

**PWYLLGOR TRWYDDEDU - DYDD MERCHER, 1 CHWEFOR 2023**

**COFNODION CYFARFOD Y PWYLLGOR TRWYDDEDU A GYNHALIWDYD YN HYBRID IN  
THE COUNCIL CHAMBER - CIVIC OFFICES, ANGEL STREET, BRIDGEND, CF31 4WB  
DYDD MERCHER, 1 CHWEFOR 2023, AM 10:00**

**Presennol**

Y Cyngorydd M Lewis – Cadeirydd

R Williams	J Llewellyn-Hopkins	J E Pratt	R J Smith
RM James	RJ Collins	MJ Kearn	H T Bennett
A R Berrow	H Griffiths	P W Jenkins	

**Swyddogion:**

Kirsty Evans	Uwch Swyddog Trwyddedu
Andrea Lee	Uwch Cyfreithiwr
Michael Pitman	Swyddog Cymorth Technegol - Gwasanaethau Democrataidd
Stephen Griffiths	Swyddog Gwasanaethau Democrataidd - Pwyllgorau

14. **YMDDIHEURIADAU AM ABSENOLDEB**

I Williams a S J Bletsoe

15. **DATGANIADAU O FUDDIANNAU**

Dim

16. **NEWID ARFAETHEDIG I AMODAU TRWYDDED CERBYD HACNI AC AMODAU  
TRWYDDED YRRU DDEUOL CERBYD HACNI A CHERBYD HURIO PREIFAT**

Cyflwynodd yr Uwch Swyddog Trwyddedu adroddiad oedd yn ceisio diwygio amodau trwydded Cerbyd Hacni a Cherbyd Hurio Preifat ynghyd ag amodau Trwydded Yrru ddeuol Cerbyd Hacni/Hurio Preifat er mwyn hybu diogelwch y cyhoedd, ac adrodd yn ôl i'r aelodau yn dilyn ymgynghoriad gyda'r fasnach dacsis a'r gwasanaeth llogi preifat ynghylch y diwygiadau arfaethedig.

O dan Ddeddf Llywodraeth Leol (Darpariaethau Amrywiol) 1976, wrth roi Trwydded Cerbyd Hacni, Trwydded Cerbyd Hurio Preifat, a Thrwydded Yrru ddeuol Cerbyd Hacni/Hurio Preifat gall y Cyngor atodi unrhyw amodau y mae yn eu hystyried yn rhesymol angenrheidiol. Mae amodau trwydded yn hanfodol i hybu diogelwch y cyhoedd.

Mae cyfran o ddeiliaid trwydded/perchnogion cerbydau yn rhentu, prydlesu neu'n rhoi benthyg eu cerbyd i yrwyr trwyddedig eraill. Er bod y gweithdrefnau presennol yn ei gwneud yn ofynnol i'r trwyddedai ddatgan pwy sy'n ymwneud â gosod neu gadw'r cerbyd ar ddechrau'r drwydded, nid yw'r amodau presennol yn ei gwneud yn ofynnol i'r trwyddedai gadw cofnodion o bwy sy'n gyrru'r cerbyd drwy gydol yr amser. Gall hyn fod yn anhawster wrth ymchwilio i gwynion.

Mae'r awdurdod trwyddedu yn cynnig diogelu'r cyhoedd ymhellach drwy ychwanegu amod newydd at amodau'r Drwydded Cerbyd Hacni a Cherbyd Hurio Preifat fel y nodir yn adran 4.3 o'r adroddiad.

## **PWYLLGOR TRWYDDEDU - DYDD MERCHER, 1 CHWEFROR 2023**

Gyda'r amod ychwanegol hon bydd yr awdurdod trwyddedu'n gallu sicrhau ei bod hi'n haws dod o hyd i'r rhai oedd yn gyrru cerbydau hacni a cherbydau hurio preifat trwyddedig pan fyddant yn ymchwilio i gwynion neu'n cynorthwyo asiantaethau eraill.

Mae protocolau rhannu data amlasiantaethol eisoes yn eu lle i hysbysu'r awdurdod trwyddedu am faterion sy'n ymwneud â gyrwyr tacsis. Fodd bynnag, cynigir bod amod newydd, fel yr amlinellir yn adran 4.6 o'r adroddiad, yn cael ei hychwanegu at Drwydded Yrru ddeuol Cerbyd Hacni/Hurio Preifat. Byddai felly'n cynnwys pob math o faterion perthnasol ac nid euogfarnau troseddol yn unig.

Mae ychwanegu'r amod hon yn gosod cyfrifoldeb ar drwyddedigion i hysbysu'r awdurdod trwyddedu am unrhyw euogfarnau neu euogfarnau / ymchwiliadau sydd i ddod yn ystod cyfnod eu trwydded.

Mae hefyd yn ofynnol i ymgeiswyr a thrwyddedigion ddarparu tystysgrif feddygol wrth dderbyn ac adnewyddu trwydded. Mae angen tystysgrif feddygol i sicrhau bod gyrwyr mewn iechyd digon da i gynnal diogelwch y cyhoedd ar y ffyrdd. Mae gyrwyr cerbydau hacni a hurio preifat yn destun safonau meddygol uwch na gyrwyr cyffredin. Mae rhwymedigaeth gyfreithiol arnynt i adrodd am unrhyw newidiadau yn eu cyflwr meddygol wrth yr Asiantaeth Drwyddedu Gyrwyr a Cherbydau (DVLA) ar gyfer asesiad i weld a yw hyn yn effeithio ar eu gallu cyfreithiol i yrru'n ddiogel, ond mae'r cynnig hwn hefyd yn gosod cyfrifoldeb arnynt i adrodd am unrhyw newidiadau wrth yr Awdurdod Trwyddedu.

Mae'r Awdurdod Trwyddedu hefyd yn cynnig ychwanegu amod newydd, fel yr amlinellwyd yn adran 4.9 o'r adroddiad, at amodau presennol y Drwydded Yrru Cerbyd Hacni/Hurio Preifat.

Mae ychwanegu'r amod hon yn gosod cyfrifoldeb ar drwyddedigion i hysbysu'r Cyngor yn ysgrifenedig o fewn saith niwrnod am unrhyw newid neu ddirywiad yn eu hiechyd y mae angen hysbysu'r DVLA yn ei glych.

Yn ystod cyfarfod diwethaf y Pwyllgor Trwyddedu penderfynodd yr aelodau y dylid cynnal ymgynghoriad 12 wythnos ar y newidiadau arfaethedig gyda'r fasnach dacsis a hurio preifat o fewn Cyngor Bwrdeistref Sirol Pen-y-bont ar Ogwr. Cynhaliwyd yr ymgynghoriad hwn rhwng 4 Hydref 2022 a 27 Rhagfyr 2022 ac ni dderbyniwyd unrhyw ymatebion.

Argymhellir bod y Pwyllgor yn ystyried cynnwys yr adroddiad ac yn penderfynu:

1. Diwygio amodau Cerbydau Hacni a Cherbydau Hurio Preifat i gynnwys yr amodau a nodir yn adrannau 4.3, 4.6 a 4.9 yr adroddiad.

### **PENDERFYNWYD:**

Bod y Pwyllgor yn cytuno i'r diwygiadau arfaethedig fel y'u hamlinellwyd ac y'u hargymhellwyd yn yr adroddiad.

## 17. **EITEMAU BRYD**

Dim